



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Actorvm Ecclesiae Mediolanensis, Pars Tertia - In Qva, Liber Memorialis Ad  
populum Ciuitatis, & Dioecesis Mediolanensis, A Beato Carolo Borromaeo  
Titvli Sanctae Praxedis compositus continetur

**Borromeo, Carlo**

**Brixiae, 1603**

Instantia Promotorum.

**urn:nbn:de:hbz:466:1-10502**

nico Oratio de Spiritu sancto dicatur; deinde intra Ecclesiae ambitum ad sacram supplicationem pie, recteque, atque ordine procedatur, litanis & reliquis precibus adhibitis, quae ad sanctam eam precandi rationem, ab Ecclesia Dei instituta sunt. Omnes autem in Ecclesia, quae domus Dei est, & domus orationis, eo praesertim tempore cum sacra sunt, & diuina officia peraguntur, mutua congregatione, mutuis item colloquutionibus abstinentes, omnia attentissimis animis spectent, atque audiant; tum oratione & oris & mentis celebrantes adiuuent.

## Decretum de Officialibus

**N**OS Carolus Sanctae Romanae Ecclesiae Presbyter Cardinalis Tituli Sanctae Praxedis, Dei, & Apostolicae sedis gratia Archiepiscopus S. Ecclesiae Mediolanensis. Quoniam ad huius Prouincialis Synodi sextae actiones & tractationes ministri nonnulli requiruntur; id propterea delegimus, ac decreuimus huius sexti Concilii Promotores, Reuerendos Dominos, Antonium Senecam Decanum Metropolitanam nostrae Ecclesiae, & Ioannem Stephanum Beluissimum Canonicum Primicerium Ecclesiae Vercellen. I. V. Doctores: Reuerendum item Dominum Archidiaconum eiusdem nostrae Metropolitanam Ecclesiae, qui illos referat, qui a nobis in Concilio audiri volunt, ut iussu nostro introducantur.

Nè verò singulorum causae, rerum grauiorum quae a nobis in hoc Prouinciali Concilio agerive debent, cursum impedire aut retardare possint; ideo Reuerendissimos Dominos Episcopos Dertonensem & Brixianensem, & Reuerendum Dominum Audoenum Ludouicum Vicarium Generalem, huic muneri praefecimus, ut absentium excusationes quae ad nos missae sunt; tum eorum item causas cognoscant, qui Synodo non dimissa neque absoluta, se abeundi causam iustam aliquam habere existimauerint; easque omnes & singulas ad nos ordine deferant.

## Decret. de prauidicio non afferendo.

**D**ecernimus, si cui contigerit in hac Prouincialem Synodum non iure admissum esse, vel suo loco non sedere, sententiamve dicere, aut aliquid quidquam agere; nemini propterea illo facto ius acquiri, aut acquisitum esse; nec verò de cuiusquam iure possessione quidquam detrahi; sed omnia in eodem statu rata firmaque manere, in quo sanè ante erant, quàm hoc Prouinciale Concilium haberetur.

## Decretum de non discedendo.

**V**T Episcopi, qui huic Prouinciali Concilio interesse debent, antequam illud absolutum sit, & de more rite dimissum, ex vrbe Mediolanense discedant, nisi iustam & probabilem causam habeant, quam ab illis huic cognitioni praefectis cognosci diligenter primum & examinari, tum a nobis comprobari volumus. Nec verò tamen ea causa cognita & comprobata, impetrataque etiam a nobis facultate abeundi, eorum cuiquam hinc prius migrare liceat, quàm idoneum procuratorem reliquerit, qui huius Synodi Prouincialis sextae decreta & constitutiones, suo, & Ecclesiae item suae nomine suscipiat, eisdemque; ut moris est subscribat. Quod si secus eorum quispiam fecerit, poena ei sit, quae canonum iure contra eos constituta est, qui hoc ipsum commiserint.

Tum promulgatis his decretis, R. Promotores denuo institerunt apud Illustrissimum Metropolitanum in haec verba.

## Instantia Promot.

**I**llustrissime & Reuerendiss. in Christo pater, & D. Metropolitane, In actione Synodali Prouinciali, ut sint quae querelas audiant, & controuersias componant, operae praetium est, Patres Reuerendissimos constitui, qui id muneri obeant; petimus igitur eos decerni, tum praeterea certos dies constitui congregationibus publicis, in quibus omnes audiantur.

Accedens ergo Cancellarius, praecedente



dente Magistro Cæremoniarum vt moris est ad Illustrissimum Metropolitanum, de ipsius manu subsequenti decreta accepit, quæ ascendens ambonem alta voce pronunciauit.

Decret. de Iudicibus Querelarum.

**N**OS Carolus &c. Cognoscendis, & audiendis querelis, & controuersijs, & accusationibus item, si quæ contra quoscunq; in Concilio deferantur, Reuerendissimos Episcopos Cremonensem, & Bergomensensem, & Reuerendos Dominos Audouenum Ludouicum Vicarium nostrum Generalem, & Paulum Granucium Vicarium Verceilensem de consilio & assensu Reuerendissimorum Patrum Coepiscoporum nostrorum præficimus. Quas accusationes & querelas delatas ipsi audiant diligenter, & ad nos in Concilio referant: controuersias autem antequam hic ipsum Concilium de more dimittatur, vel componere studeant, vel ex compromisso ad arbitros reijciant; vel ad nos in Concilio referant. Quod si quæ fortasse accusationes aut querelæ sunt contra eos ipsos, quibus harum rerum cognitionem delegamus, earum cognitores constituimus Reuerendissimos Episcopos Dertonensem, & Alexandrinum: qui antequam hæc ipsa Synodus dimittatur, eas vel componere, vel ex compromisso ad arbitros reijcere, vel re omni ad nos in Synodum relata, definire studeant.

Decretum de ferijs congregationis publicæ.

**O**mnibus & singulis edicimus, congregationem generalem in Archiepiscopalibus nostris ædibus, loco ad eam præcipue habendam designato, futuram singulis his ferijs, secunda, quarta, sexta, & alijs præterea, si quæ tabellæ publicè affixæ indicentur & significabuntur, signo etiam campanæ maioris, quod statim eo tempore in Metropolitana Ecclesia dabitur.

Lectis his duobus decretis, Cancellarius ex ambone rogauit sententias Reuerendiss. Patrum. Tum descendens, vnâ cū

Pars III.

Reuerendis Promotoribus sigillatim omnium sententias ordine rogauit. & cum omnes simpliciter, Placet, respondissent, Illustrissimo Domino Metropolitanano de more retulit. qui dixit: Decretum placuit omnibus Deo propterea gratiæ agenda sunt. & Responderunt Patres, Deo gratias: & ideo de suggestu de ipsius Illustriss. mandato hoc enunciauit; Decreta modò lecta placuerunt Patribus, de eorum igitur assensu ita illa statuimus vt lecta sunt.

Iterum R. Promotores in sessionem veniunt, & instant pro prouocatione faciendi in hanc sententiam.

Instantia Prom. de vocan. Reuerendiss. Episcopis & cæteris.

**I**llustrissime & Reuerendiss. in Christo Pater, & Domine Metropolitanus. Hic est decimus dies Maij, quo legitime moniti Reuerendiss. Episcopi Prouinciæ, & cæteri omnes quorum generatim, vel speciatim interest, huic sextæ Synodo Prouinciali interesse debent: ideo instamus & requirimus, vt omnes & singuli Reuerendissimi Episcopi qui ad sunt, & qui adesse quomodocunq; debent, nominatim vocentur, & alij item, qui inuitati sunt. Testes etiam Synodales, & alij item quorum interest.

Audita Promotorum instantia Illustriss. D. Metropolitanus decreuit de suggestu Reuerendiss. Episcopos, & alios supra requisitos nominatim per Cancellarium vocandos esse, vt infra.

Vocantur Reuerendissimi Patres Domini Episcopi, qui huic sacre Mediolanensi Synodo Prouinciali interfunt, & interesse debent. Qui ordine singuli nominatim vocati, ita sigillatim respondebunt, Adsum.

Vocatio Reuerendissimorum Episcoporum.

Reuerendiss. D. Episcopus Dertonenfis antiquior. respondit. Adsum.

Reuerendiss. D. Episcopus Auenens. eius nomine Procurator. Respondit. Adsum.

✕ 3 Re-